

111 年全國語文競賽原住民族語朗讀 【卡那卡那富語】 國中學生組 編號 4 號

tavu tamna 'una

niaranai miana miana miana tamna 'una. 'una tacini nanmarua nanaku.
koo pa muru'ucangu. aranai miaa tati'ingi pa, tavana'u cu takacicini
pacupangu, nenei tia putukioa. cucuru tamu'iaru. paira mucumcum
aramia'u. marisiki tanasa, miuru po'ucipi tia kunia.
tanrara'u mamarangu in cumacu'ura 'inia.

ka'umo'uma nguain na ciciri nungnung. pacupangu tia kani moon 'inia
rumarapu vina'u. namasu 'unai ia, tia umakun kee tammi, tanuku, tammi
karu, nupunupu nukai tavusu misee. makasua cu, pananai
tumatakutaku rumarun cunu. miaa 'esi kumakurai ia, 'una niaratamu 'inia
cunu kara? cipunu kara? karu kara? ka'anu pa tarakanangu. koo kee
ravisian. pacupangu! makenanu moon 'inia aracuvuru. ka'anu tia miakaka
cucumeni nimaku.

makasua cu aratania, tumavungavung, makamacu'u. cu'urunu
nanaku iisua, tavu sua macu'u. kanganiun kee miacara. ukunu kee
cumacu'ura mavangu cu kara? tavacuku pa capai, ka'anu pa mavangu. koo
siapeni, maka'una 'acuu 'inia cumacu'ura. pasikucun kee, mavuca'u pa! koo
pa marirupangu. pui'i na tanasa.

maca'ivi cu cani tarasangara. maka'una mukusa 'inia cumacu'ura,
tanavikaru cu ti'ingi. pasikukucun kee! makukuang cu, ka'anu cu
pasikunu. apunun cu kee umavici tanasa. nisu'u kee na niarupaca
to'umangu tomaru. arivariu kee na tarikura. sii tia 'apuciriu kee, nakai
miravuravuku. maka'una arivariun na nakunaku tatara. maatua pa miravuku!
marivivini, arivariun cu kee na tataru. manungana! tupuru 'inia, ka'anu cu
miravuku.

totasiaru, mucanu nanaku mukusa 'umo'uma. cani taniara mo'uma
'inia. pui'i cu rovana. cu'urunu kee na tataru, 'una tacini nanmarua
sarunai tinipuru 'inia. 'apaco'e campe pa tassa 'arupacu'ura, nakai makai
kani niaranai miana masiraru tarakanangu cu nguani. koo miaranau
muru'ucangu cu tassa.

'una ucani taniara. uranunu nanaku sua sarunai kumakucu navungu in.
cu'urunu nanaku, ranukanuka sua navungu sarunai. pasi kee sarunai:
“miseni ranukanuka navungu musu?” marivari sarunai: “iikasu miana paira
masikukucu!” sua tavu iisua, koo cu arapipiningi.

葫蘆瓜的故事

有位未婚少女，從小有自己想法，知道要做哪些事。做事勤勞，一早就起床清掃家裡，搗米煮飯。父母親覺得安慰。

她在溪谷旁開墾一塊地，想種小米、地瓜、芋頭、木薯、豆類或甘蔗。當她耙鬆土地，發現地上長著不知是草、蔓藤，或是一般的樹木？當時看不出來，並沒有拔掉，就讓它長大、開花、結果。長出的果子是葫蘆瓜。

她經常去看成熟了嗎？外表都還綠綠的、沒有熟，用手捏還軟軟的沒有熟，就會回到家裡。

過一個星期，有點變黃，她不停的捏！捏不動了，就摘回家。原先放在竹製的籩箕，移到搗米的臼子，因為想立起來，但總是倒下，移到床鋪下還是倒下。最後放在床鋪上，不再倒下。

清早，少女到田裡工作。晚上回家，床鋪上有一位年輕的男士坐著，雖然首次見面，卻好像從以前就認識，沒多久，兩人就結婚。

有天，女生幫先生找頭蝨，看見頭上很多瘡疤，就問：「頭上怎麼那麼多瘡疤？」，男生回答：「是你以前一直捏的！」。那顆葫蘆瓜就再也沒有出現。